



Broj: 04-40-1-123/22
Sarajevo, 04.05.2022. godine

Na osnovu dobivenih i obrađenih informacija od općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 29.04.2022. do 08:30 sati 04.05.2022. godine

Kantonalni operativni centar civilne zaštite je dana, 01.05.2022. godine u 14:54 sati primio informaciju od strane građanina da su se dvije starije ženske osobe izgubila na širem lokalitetu Bijambara (Ajdinovići), te da iste traže pomoć jer su dezorjentisane. Dežurni u Kantonalnom operativnom centru civilne zaštite odmah je obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, u skladu sa propisanim procedurama angažovana je **Služba za spašavanje iz lavina, potrage i spašavanje na vodi i pod vodom Kantonalne uprave civilne zaštite Kantona Sarajevo**, koji su odmah izašli na lokalitet gdje su se osobe izgubile. Pripadnici navedene Službe su u 16:05 sati uspješno locirali i pronašli dvije izgubljene osobe, te ustanovili da iste nemaju povreda i da su dobrog zdravstvenog stanja. Pronađene osobe su prebačene na sigurnu lokaciju čime je akcija spašavanja uspješno završena.

U izvještajnom periodu Kantonalni operativni centar civilne zaštite primio je dvije informacije o pronalasku NUS-a i to:

- dana, 29.04.2022. godine u 08:35 sati od Policijske stanice Hadžići, da su na lokalitetu Mrzaište na Igmanu pronađene dvije ručne bombe,
- dana, 29.04.2022. godine u 18:05 sati od Policijske stanice Hadžići, da je u ulici Donji Doljani br.41 (Pazarić) pronađena jedna ručna bomba.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozivna sredstva preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 20 manjih intervencija: 3 intervencije na gašenju zapaljenih dimnjaka na stambenom objektu, dvije na gašenju zapaljenog smeća u kontejneru, jedna na gašenju zapaljenog niskog rastinja, jedna na gašenju gašenje zapaljane pilane, jedna na gašenju zapaljenih starih guma, jedna na gašenju zapaljenog krova napuštene kuće, jedna na gašenju zapaljenog automobila, jedna po dojavu dima u haustoru stambene zgrade, sedam tehničkih intervencija i dva obezbjeđenja javnih skupova.

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su tri manje intervencije, i to: jednu intervenciju na gašenju manjeg požara u stambenoj kući, dvije intervencije na gašenju otpada u kontejneru te jednu intervenciju u smislu obezbjeđenja sportskog događaja.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodospabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 8°C, vlažnost zraka 77%, barometarski pritisak 944,6 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite

- a/a